



12193

張文定公四友亭集卷之十二

七言律體

珍謨書院

為序菴閣老賦  
和費鍾石韻

雲端別構珍謨閣華扁新頌

九五堂萬國共瞻

元首起千秋重覩股肱良風烟晝永琴書靜草樹春深  
雨露香淮甸月沉瀛海濶奎光長遠合宮傍

賀桂洲少保入閣

次費鍾石  
韻二首

絲綸目昔歸中秘奎壁移躔入上台致

主會逢名世德匡時全仗出群才銀章密疏天重運王

張文定公四友亭集卷之十二

勅傳緘日幾回拭目太平真有象春風池上鳳毛來

此日降麻歡庶職幾年人仰踐中台即看補袞渾無迹

始信調元別有才風動海嶠惟密勿文成雲漢共昭回

聖明天子賢良佐世運今真屬大來

送毛同知景學拜表復任趙州便道過四明

萬里朝天氣轉雄又看書劍出烟松年來滇粵行應熟

此去瀟湘吊是重門外湖光掇畫錦尊前山靄逗晨鍾

人生莫歎劬征役追憶桑蓬興倍濃

元夕未齋官保招飲張燈作樂

次汝湖翰長韻  
二首

元夕正邀春浦座梅花如雪舞瓊筵請看屋外長庚月



誰惜床頭沽酒錢，鼙鼓漫憐瀛海會。鰲燈深映藐姑仙，  
定知歡賞長無極。曾向蒙莊得大年。

今夕何夕月當戶，尊前對此羣仙人。長歌忽到刻漏盡，  
痛飲不知天地春。嗟來羨門爾吾侶，欲住蓬山誰作隣。  
壁殿星橋有深慨，開簾且視梅花新。

送太學生黃資安歸省

四明山城碧玉環，别有清泚專人間。雲路英賢日魚貫，  
黃生秀出鶴鸞班。祭酒今年放歸省，曙院鶯花拂天影。  
正喜高堂未白頭，湖波釀熟春千頃。

送梁大用教諭之懷寧

張定公百五集卷之十二

二

一官遙向大江濤，江柳垂垂萬縷金。讀易田何多弟子，  
著書徐幹有聲音。蛟渦魚沫風雲變，瑤圃芝田雨露深。  
威鳳碧梧棲欲老，好携群羽入瓊林。

王溪少宰守城間奉 命詣 文華殿

先聖先師堂上香，有詩見示次韻 二首

赭龕青殿列神師，朔月詞臣攝奠儀。城關指揮雄武畧，  
廟堂趨走肅文規。花迎泝景香吹席，雲弄晴光酒滿卮。  
墳典萬年人極在，更緣

恩命動深思

古來神聖百王師，玉立巍巍配二儀。

明主追崇真曠典，儒臣攝拜亦新規。一朝佛骨成灰燼，  
五夜文星照玉卮。韓愈有才空諫表，清時回首發遐思。  
文華殿東堂原冷金爲佛像，剝望焚香。今皇上燬撤，  
易以義農。以下六聖十一位，大善殿舊塑佛像，各梁  
上備諸淫褻之狀，又有佛骨數萬斤，內雜以石。上一  
切焚棄，別改慈寧宮馬。

赴未齋宮保會賞梨花次松臯  
太宰韻

侍罷

宸游興不單，更携仙侶玉堂寒。華燈竹葉勞相勸，春院  
梨花故未殘。月淡烟雲橫遠漢，鶴憐清影失旃檀。百年  
知己俱頭白，對景何妨一盡歡。

送林肖泉內翰奉母還鄉次乃兄小  
泉宮保韻

張亮齋先生集卷十二

三一

粵水燕山旭，照明薰風高。柳片帆輕，潘輿久注鄉園思。  
姜被初新，宦邸情芸閣青藜分。

帝澤詞垣白雪繼，家聲司空鶴錦瓊花帶。

經幄清秋候小程

寄壽謙雙湖憲伯八十生旦

記得當年黃鶴樓，朋尊時俯漢江流。雅懷一別三千里，  
遐算今逢八十秋。指顧堪輿存目睫，詠歌山水入夷猶。  
燕臺月共閩溪白，采遍蘭皋思獨悠。

丁酉五月廿七序菴閣老以一品六年考滿復

職適閣中盆荷初開有詩見示次韻二首

稱諧寰海動休風倚閣芙蓉照眼紅天借仙靈標上考  
地輸元老屬宗工秀舍晴彩星臨關香度涼颺月滿宮  
恩露九霄濡最渥萬方生態此專功

拜罷温綸坐午風水花初映鶴袍紅即看草木知榮遇  
始信謀猷協化工芳氣近通清馥殿仙姿元出廣寒宮  
勤勞六載天無迹盆沼何心却奏功

次林小泉大司空得請致仕因以爲贈

忽聞

温旨下虞廷老覺人間好事并稅駕烟霞真志足杖藜  
山郭尚身輕勳名已紹家庭舊詩句仍傳里社清八十  
發定公亭集卷十二

四一

潞公猶戀闕竚看麟錦更承明

壽謝母陸太夫人

相國門前滄海深澄波實鑑孤闈心青松不改四時色  
白鶴自鳴三島陰麻姑蓬萊幾清淺王母蟠桃無古今  
學士瀛洲歸戲綵層霄雨露日淋淋

喜雪

次松皋  
家宰韻

夜半窓櫺疑曙色起看門外雪封溝三山有鶴棲瓊樹  
九陌無塵上玉樓光借塩盆雄獸勢浪平銀海伏鰲頭  
豐穰有瑞壺觴合莫遣詩遲大白浮

雪後院中對假山口占

燕京雪後似回春，眼底乾坤直幻人。鳥失故棲銀滉海，隄驚新築玉封塵。誰期老去饒佳興，自喜年來得靜因。坐對寒山無一事，素華千頃淪水輪。

和太宰整菴先生二首，因以爲壽。

前輩風標似寡交，遍令寰宇挹清高。群流瀚海回孤柱，片語詞林破百牢。勳業自應輝竹帛，埃塵終不染冠袍。天書幾下東山麓，小子瞻依思倍勞。

斯文千載賴公存，開闔乾坤割曉昏。老去明農歌百穀，時來畱客宴朋尊。汾陽去就華夷卜，伊洛圖書伯仲論。

名德

張文定公西征集卷之二

五

四朝山嶽重蒲車，仍擬應

神孫

八月廿二日 靈廟忌辰

上遣桂洲閣老代祭，有詩見示，次韻。

複道層欄曙色蒼，苑花宮樹迥含涼。台躔夜動黃扉履，雲馭朝臨寶篆香。禮樂備着新製作，精誠遙祝舊靈光。相臣宣室頻經召，應析幽微極破芒。

和桂翁寄王九潭編修

玉笋仙班久虛寤，松喬故戀薜蘿溪。山滄江又見木葉下，塵世獨憐秋鶴閒。已向層霄瞻鵠舉，况逢晴日遶

龍顏人生有才終自遇何必翠微長掩關

介溪宗伯得董中峰書有作辱示次韻

停雲長識

志

越山居千里繞通尺素書人事漫憐蕉鹿

在世情誰論棘猴虛將軍疑虎終開石渭水非熊却餌  
魚文似相如寧寤冥薦雄無路實慙予

重陽後三日介溪宗伯邀登報國寺佛閣

次未齋告

韻保

老去渾成汗漫遊興來層閣看雲浮淡烟千樹迥嚙日  
鴻鴈一行高度秋淨境且陪伽葉咲昔人應有羨門留  
踈鍾暝色歎無極携榼重期到水頭

張定公西華集卷之十三

六

和桂洲九日遊邵家園之作

二首

前輩曾開後樂園秋郊今復見仙尊短筇踈樹葉迷徑  
流水夕陽花遶村復有笙簫供綺席不勞猿鶴報華軒  
太平元老紆籌畫佳節還同醉渥恩

東郊原上有芳園出郭晴輝映酒尊千雉遠連青玉嶂  
一泓斜帶白雲村拂秋鴻影沈寒戍衰露花香鬱曙軒  
河海晏清風日好樂遊佳節侈

君恩

戊戌典試感昔有作

弘治乙丑春會試

孝廟於宮中焚香籲天祈得真才今太子太保未齋願  
公大宗伯介溪嚴公皆舉高第某幸附榜末于茲  
三十有四年爲嘉靖戊戌從顧公典試事而嚴公  
實職提調相與追憶

孝廟禱祈之意不勝感慨祇懼之心二公以詩倡和某  
亦繼和焉

穿楊昔日羨當場今喜掄材共一堂簾幕乍開春入座  
豆觴初罷月臨墻祈天痛憶

龍輿遠捧日欣知鳳曆長三十四年慙附尾願同忠赤  
贊

張堯谷西齋集卷之五入

七

垂裳

送劉五泉銀臺之南京

風姿瀟洒玉芙蓉滇外曾傳政績書新陟銀臺符夙望  
舊懸冰鑑屬時譽龍江久抱荆山麓鍾阜清涵白下居  
最羨公庭無一事蒲床涼月醉吟餘

送潘憲伯先生入蜀

相見京華感興長菊花鴻影又離觴乍歸黔粵如新客  
重入巴渝似故鄉晝日轉輝袍錦露秋風偏凜節旄霜  
征途莫歎江湖遠猶有知音在廟廊

秋日過西山



聞說西山幾屬懷，偶因王事入山來。醅醑禿閣傾瓶吸，  
桔槔農家過屋堆。溪水曲依深樹轉，石橋斜指翠屏開。  
徘徊落日有餘興，林壑風清月滿臺。

次韻懷俞南湖

一尊重會甬東岑，白髮相看各上簪。建業清風惟蕪水，  
滇南遺澤有甘霖。文林繡梓騰新譽，鄉國傳經慰遠心。  
恠底經年成濶別，枉教榆柳日聯陰。

輓祖母舅西墅梁先生

家世書香靜不淆，槿籬叢竹映衡茅。衣冠忽冷芳州會，  
鷄黍空陳穀旦餞。滿眼烟花悲舊主，無情雲水撇深交。

張文定公四孟集卷之十二

三湘父子初歸日，風攪長林處處梢。

榮四族祖新居成與東沙泮游眺次韻

西南華構倚山丘，小徑斜通竹樹幽。遠接槐源開藥圃，  
近分槎水列芳洲。每呼新釀娛隣客，復棹輕舟玩海鷗。  
締造辛勤今莫問，春風華萼且憑樓。

輓休翁

秋風嫋嫋洞庭波，日暮行臺起此歌。湘漢文章悲賈誼，  
雲霄弟子泣田何。相門不識人誰似，南國重來事豈磨。  
欲送靈輻嗟路隔，鄂城東望淚痕多。

張都閫廷瑞盆池蓮高丈許人以爲得子之兆

忽見中庭十丈花華峰何事落三巴若耶溪上人初到  
濯錦橋西月未斜露冷孤莖食玉屑雲扶高蓋想金華  
雨香秋澹房房實仙種靈源更足誇

次韻荅浚川大司馬營居作

白髮逍遙河上公卜居仍傍紫微宮杜陵詩向雲中出  
蕭寺鍾聽月下春庭檜遠分西壁翠檻花長對上林叢  
蓬茅愧倚芝蘭室日有幽馨遍凱風

輓張中舍

次陳省齋司寇韻

睿資醇質許誰京英王藍田自渾成百歲人生無壽夭  
萬年心蹟有聲名顏回去後遺言在林度來時舉坐傾

張定公西亭集卷之十一

九一

暗想祥麟雙淚落白頭真已愧吾生

大祀齋居枉桂洲閣老見懷之作次韻

齋居偏喜按門墻士範官衡夙所望金炬迴聯星彩動  
玉繩低澆露華涼浮塵但覺推移速歸夢那知道路長  
漫拂絳紗看舊墨小堂虛壁爛河光

送張陽峯之任南京禮部尚書

忽傳

恩命下

楓宸奎壁移躔漢水濱高論講幃曾奪席遠猷綸閣久  
儲珍樓令楚岫瞻

天近江抱鍾陵見月新幾欲相從未由得  
剡門南望一勞神

介溪庭院菊花盛開無有葵花一本以所和儼

山詩招賞次韻二首

敞廬門巷接仙家頗見仙翁滿徑花吟去不辭毛穎禿  
插來齊壓帽檐斜雅懷娛客勝投轄老眼當筵似隔紗  
人世但憐春色好素秋元自足英華

帝城西畔秩宗家深院秋開種種花向日未同群卉落  
傲霜猶見數枝斜觴行夜色寒紅玉窓掩幽香度碧紗  
珍重主翁歡賞洽愧無佳句答芳華

渠定公畧亭集卷之十一

十月三日松皋太宰宅賞菊次日詩以爲謝

忽從京館見踈籬太宰公餘獨憇時過節故開看菊燕  
入冬方辨傲霜枝南山佳氣籠吟席西苑晴暉映酒卮  
却笑踈狂成吏隱一尊相對更相宜

送茅見滄殿撰奉使冊封便道過杭省觀

剡門煙接魯山蒼玉冊親將下

帝鄉綸閣舊占公輔器吳城新覩狀元郎圍春繡幕飛  
觴急籠錦斑衣舞袖長金馬石渠虛席在早看歸節五  
雲傍

送槎洲族弟歸冲虛觀

京國相逢真氣多片雲忽指越山阿青精大野絕埃壙  
白鶴層霄無網羅十世宗支元素履百年踪跡羨玄科  
四明吾亦欲歸去芝草琅玕今若何

送沈大理錄囚桂林

桂水元戎初獻績潞河仙使正浮槎青春伴邈三湘月  
黃鳥催看五嶺花莫問貪殘狼子性最堪矜恤遠人家  
東吳桑梓重經地雲錦翩躚日未斜

送錢刑部錄囚四川

浙水歸來席未溫又將

新命出都門昨聞閩海驚飛電今喜巴陵啓覆盆入棧

張定公四文正集卷之十一

十一

松陰迷鳥道度江峯影落清尊天涯萬里觀風盡行跡  
民情達

帝閣

蘭軒薛翁壽七十其子文明別駕赴官梧州將

便道迎養寓詩爲壽

京國時瞻手墨新稀年聞說倍精神江山詩酒常邀客  
伏臘盤盂數展親五馬家聲承宋緒一經庭訓泚交民  
蒼梧鼎鍊聊娛養竚見封章下

紫宸

書牙骨扇贈童三洲侍御

都城日日苦炎塵最喜清風來故人少借吹噓回大造  
不勞餘力補鴻鈞動搖在手幾非我舒捲隨時妙入神  
况是水肌蕪玉骨坐消煩暑內臺身

送張石川銀臺致仕

幾聞清樾動吟哦暫喜冥鴻脫網羅天下名邦吳會好  
秋來明月洞庭多人情自古皆如此世路于今可若何  
把酒路河空感慨未應

昭代老巖阿

送教秋官錄囚浙江

鳳城春半足風煙獨捧

張定公西孟集卷之十一

十一

宸章下浙川飛蓋共看行白日戴盆咸喜見青天江山  
賦詠多陳迹吳越征徭異昔年鄉土有懷歸未得爲君  
翹首一凄然

送童內方宮庶歸省

詞垣幾載鄉山夢此日殊恩錫傳歸

帝關風雲真際會儲宮草樹有光輝青藜閣迥紉書舊  
白雪臺高和曲稀早駕星軺辭汜水老懷霄漢日依依  
送雙溪侍御張君歸穎

世路多岐不可行南歸真愜望雲情小庄晴入西湖色  
喬橋春舍穎水聲甲子椿庭週更始壺觴菊徑滿還傾

清議昭如日未礙鯢鵬萬里程

南圃家慶卷

爲張常州行吾題張欲歸養南圃翁止之以考槃圖寄常州以示

居之樂行吾懸之公署日致瞻思云

由來慈孝家之寶橋梓如君福未涯身在官曹方養志  
慶關天下是娛家閩雲正作延陵雨吳署長明粵嶠花  
南圃考槃誰似者孟侯觴筴動京華

王母貞壽

百年辛苦見貞標漢有班姑晉有陶門戶拮据更白屋  
飛毛成長奮青霄長看獻菓三山近不用贈雲萬里遙  
絮語泥金來疊疊綠衣籠錦舞朝朝

送陳太守之台州

台州自古神仙宅騎鶴西來更絕塵花艷赤城天不夜

月籠丹甌地長春平生稱意無多事海內同心復幾人  
取喜隣邦賢太守頌聲時到甬江濱

送陳錄事南歸吳

鳴開上曾論秀金馬門前又見君燕谷別筵春對雨  
沁河仙舫曉衝雲風飄萬柳花如雪魚戲三江浪蹙紋  
歸去故園應動色一尊喬木坐清薰

壽同年孫峯溪七十

少小蟾宮憶問年老來清健更欣然橫金獨羨流輝遠

種王爭誇毓秀，兩四壁玉雨香來。木杪半溪峯影，洛尊前綺樓華萼春長。正伯仲高應老錢。

桂洲閣老一品秩滿九載

上命六卿及諸都憲侍宴於禮部次王溪宮宿韻二首  
東省華筵傍日開，上公雲錦自天來。慙慙致語春卿製，熠燿堯花王女裁。四座共歡

褒德宴萬方，高仰濟時才。獨慙尸素多年所，猶沃層霄

雨露回。

元臣最績承休響。

天語歡陪命別卿，九載旂常歸宿德。一朝鍾鼓協春生。

張亮公四卷集卷下三十一

十四一

香飄露砌斑鸞鳴，花簇風簷遶燕鶯。露醉即趨

無逸殿。

虞歌長晝幾親賡。

飲宴禮部次韻荅桂洲閣老二首

金莖迥挹

天恩渥瑤席，春蕪霽色開。秩外榮輝承北極，座中緋錦肅元台。拂簾鶯燕陪歌舞，薄海萬魚屬化裁。宴罷又聞宣室召，正逢

虞帝歎隣哉。

天龍所臨無劣士，古來難遇有昌辰。明禋事續千秋典。

嘉會歡洽四海春即席禮卑功自邁當朝久舊寵彌  
新惟憐久負涓埃志願保非常柱石身

許龍石祭酒陞少宰之南京予久求不得南去而龍石意若有不

釋然者詩以寓懷

追趨壁水人如雨物色鍾陵鑿若空身遠不妨心繫主  
官清寧許髮成翁城合翠壁峰峰樹江抱岑樓面面風  
形勝有餘塵事少自憐無計躡仙蹤

王貞久吉士移居同表懋中太史邀予及姪仲

王主客飲于其宅即席紀興三首表于禮部選擢第一王冠

浙闈仲王與聯名云

張定公齋集卷之十一

十一

小葺垣扉傍闌開舊醅新茗越鄉來頻留館長精敲句  
暇集隣翁笑舉盃花信幾封催穀雨瀛洲一女接蓬萊  
直須吟落緜山月追逐覓仙鳳管回

北扉南省揔稱山對宅通閭聚會便情洽竹林仍阮後  
芳傳藝圃愧盧前當春不數花如錦落晚方知酒似泉  
文獻四明稱獨盛景鍾端擬續先賢

雙玉吾鄉迥不同文如月露氣如虹迂生老見魁天下  
從子親承冠浙東熠燿英聲流虎觀鬱歆佳靄護龍宮  
持盃莫惜厭厭飲絮舞鶯歌院院風

介翁以所刊詩集見惠口占叙謝



南宮佳帙下星辰，草閣携歸色象新。老去詩篇真泣鬼，  
生來童叟已稱神。冲霄鸞鷲渾翻錦，映水芙蓉不受塵。  
愁絕鶯花身轉健，更看功業上麒麟。

坦軒梁翁八旬有八，其子劍峯都憲請詩爲壽。爲誰廬嶽起雲烟，懸瀑開帷入洞天。高坐衡山參大士，  
朗吟彭蠡逐飛僊。任娛觴奕名難避，不事王侯寵更偏。  
封誥鼎來神采秀，海籌還擬什商籛。

送姑蘇馬鍊鉞內翰考績之京

白鷺洲前生早涼，相逢忽謾是離觴。烟中孤鳥碧空盡，  
江上片帆秋影長。玉署文章應最績，清朝甲第有傳芳。

張定公西征集卷之十一

十一

儒官莫歎清閑甚，萬古雲霄寄一芒。

賀武林張氏新樓

次太宰丹山  
督公韻

突兀吳山湖海濱，搆樓山麓爭埃塵。乘雲小出皆仙壑，  
鞭石東來有上賓。鈎箔暮鴻歸鄧嶺，倚闌烟樹鬱南閩。  
登臨正喜輝華萼，一醉君家麴米春。

寄長男子中

幾回鍾阜獨勞情，念汝青年學未成。迷悞賢明惟軟媚，  
聽從忠諫是豪英。毋將天畏心神逸，長得人磨智術生。  
老我蒼翁還自力，嘉言一句比連城。

九月二十日巡視南京外城

江城千雉半田山終日肩輿紫翠間東顧欲看溟海盡  
西迴剛到大江環工歸版築詒謀遠天抱蘿圖創業艱  
留寄自甘的夙夜更憑來鴈問榆關

夏太監六旬初度

天厯遙騎御馬來麒麟郊數鳳凰臺風安月映珊瑚樹  
談笑春生瑪瑙盃憂有歸時仍禁掖地無塵處即蓬萊  
同庚愧我頭先白花甲何妨共幾迴

十月二十日巡視內城有作

東南洲島類仙丘城郭臨觀得勝遊天外碧波紅日起  
樹邊黃屋白雲流半江晴色開鍾阜萬戶炊烟傍石頭

張定公全集卷之十一

七

極北河山瞻咫尺絳霄宮裏

王宸旒

輓學士謝符正裕

聯絲台峰映海青碩人歸去雲過星田何淋世多名訓  
韋氏傳家有聖經漫憶筆端花入夢絕憐書帶草盈庭  
林槩未上麒麟塚聊賦新詩代勒銘

送胡儀制出守廉州

髻齡授簡驚南郡壯歲分符鎮海鄉沅芷澧蘭偏毓秀  
嶺花崖樹不經霜長蛟欲避潮陽窟馴雉猶依越嶠菜

抗疏

九重元偉志，佇看名蹟繼龔黃。

東閣聽蟬

壬寅六月二十三日三首

金水橋邊白玉堂，忽聽蟬噪憶江鄉。  
塵消宿雨青山近，烟鎖層城綠樹長。  
自有天機開橐籥，不勞人籟起笙簧。  
南書日速歸來賦，松竹禽魚遍小庄。

清晝琅函寶篆烟，鳳池龍閣坐聞蟬。  
破除暑雨天街外，點綴林塘

帝閣前傍樹，曉食金掌露流徽。  
秋叶玉河泉竇情，羈思長如結。  
羨爾胸懷得恣宣。

閨闔風高雨乍收，玄蟬噪遍欲何求。  
敢於天上譁無忌，

張定西齋集卷之三

六一

應向人間報有秋，善蛻不教塵俗染長吟。  
如見草堂幽時來，直瀉胸中盡生世，誰當曲似鈎。

送張遠之歸晉陵

霄漢輝聯伯仲間，強年何事遽求閒。  
渚清沙白片雲去，木落江空孤鶴還。  
風雨對床權未畢，湖山欹帽興誰攀。  
請看壁水台垣近，飛夢應廻玉笋班。

送王石峰封君歸慈谿長石橋

一別京華二十年，重逢雙鬢各皤然。  
玉堂壽斝紆真樂，黃甲家聲屬象賢。  
虹亘石橋龍嘖雨，鏡開文水鶴窺烟。  
東歸擬作同庚會，攀附仙舟未有緣。

送吳工部督木之江南

神皇避寢圖宗柘詔旨煩君集巨材陵谷一時輸力盡  
荆梁萬里蔽江來潞河秋舸凌風迅瓜埠清尊對菊開  
身亦棟梁須倍惜竚歸天關詠良哉

輓封孺人孫氏

海陽李侍御春芳之母中書一  
望之祖母也孫氏年九十二終

浮世幾人躋大堇海門鍾慶自非常悟天獨擅江山秀  
鯤海長涵日月光壤割膏腴歡妯娒力疲辛苦事姑嫜  
慈孫霄漢歸來晚淚洒雲巢宰木蒼

送劉松石宮保致仕歸麻城

一自坡翁賦成後黃州風月故依依空中獨鵠凌秋舉  
張文公西亭集卷之十一 九

塞上賓鴻識序歸已向華夷豐樹立况看麟王倍光輝  
君王勅旨教乘傳完璧如公近更稀

送梅岩郊少叅之官浙江

冰王風姿迥出塵十年清譽滿朝紳靈陽一日膏雲起  
海國群生澍雨均未稅甘棠先動色初開竹葉正薰人  
都城別意鄉園思會見吳山越水春

壽宮保大司馬東瀛張公七十初度

年登七十倍精神天祐邦家柱石身指顧山河雄國勢  
笑談尊俎靖胡塵烟霄蒼隼秋偏厲籬落黃花晚更新  
鱗繡綺筵人王立會看輝彩照麒麟

孫毅齋少宗伯以

顯陵修飭宮殿掌禮使郢

宸心屢動橋山夢珍重春卿出禁坡 石北來王氣合

漢江南下月明多承恩竚視東垣草隨興聊賡白雪歌  
天步正啟靈臞集萬年宮殿鬱嶒峨

鄒縣謁孟廟

春庭深鎖嶧山烟浩氣如雲正塞天海岱有靈長作配  
乾坤何代不崇賢闢除邪詖承三聖披袂盲聾著七篇  
碑碣遶垣遺像肅東風翹首思悠然

謁孟母鄒國成夫人廟

發定公四友真集卷之十一

十一

身奉萱闈魯甸過鄒官瞻拜感懷多三遷宅里心真遠  
萬古乾坤事不磨細細爐烟熏晝日森森庭栢映山阿  
邾城廟食應無極誰報慈恩似孟軻

壽李春亭七十生旦

於越山垂南極星老君孫子駐春明雨收樓閣金徽潤  
江抱門庭玉樹清落筆海濤生氣勢飛觴天影動風情  
偶懷桑梓過南國欣遇神仙集鄒城

初夏過柈浦王宅感懷

十載京塵旅夢悠重來柈浦雪盈頭遶林風色酬花信  
帶雨秧針映麥秋短閣青燈悲舊事華筵急鼓沸新謳

飛觴未盡東君意相送河橋月滿舟

送高南屏司寇之京

早儲靈秀起東甌敷歷

清朝四十秋餘俸盡應歸義塾芳名先已被神州擎天  
正藉蘇公手濟水今開傳說舟雉影玉階搖鶴繡倍看  
春色上

宸旒

齋居

次白樓宮保  
韻三首

郊裡省宿縉紳同奎壁光分太宰笏忽見晴嵐三島外  
况承恩露五雲中龍樓夢破鶯聲月鯨海春流鴈影風  
記得掖垣遲退食醉衝飛雪過涯翁

張定公函彙集卷之十一

卅一

越水吳山事事同獨憐間却釣絲脩青峰點點暮鴻外  
翠竹一庭春雨中恩詔擬還黃閣老新吟時動玉堂  
風眼前得失渾冥會誰較區區學塞翁

孤卿地別喜心同傳得驪珠日幾甯老去高懷真脫俗  
春來歸疏定留中橋門夙化鍾山雨寰海均承白下風  
舊學正紆宣室思王扉黃閣肯遺翁

登清涼山

坐俯虛亭萬木蒼清涼山上正清涼雲間鳥道通仙跡  
天際江流遶帝鄉且向佳辰陪燕賞莫將前古話興

亡臺尚不用風如許落帽君看有興狂

送少司徒胡月岡考績之京

城外風烟一駐幢才猷爭說裕經邦雲生海嶠鵬飛獨  
秋映琴書鶴下雙猶有黃花明遠徑不勞紅葉點澄江  
東南水旱今如許未疏天門意肯降

送鄭孟溪鴻臚考滿之京

停雲劍閣幾懸懸今日驪歌白下船郵舍折梅臨短景  
諫垣傳草憶多年培風獨擊三千水翹首重瞻尺咫天  
恩露滿廷春更早首看濃渥被才賢

送銀臺王酌溪遷奉常之京

張定公尚書集卷之十六

十一

幾年林壑髮毛新暫與南邦識鳳麟 帝里鶯花通梓  
國容臺風月稱吟身良珍韞久終酬價短步逢時亦逮  
人賢傑自來多晚遇會聽 明主歎臣隣

送唐東之遙授藩幕歸四明

幾年庠校老明經身上層霄髮欲星五兩風輕燕樹碧  
三江雲盡越山青高懷不受緇塵染麗錦仍霑渥露馨  
爲問螭蚪州裏事賸栽黃菊釀醅醺

送顧與清之官貴州

臨岐莫歎征途遠男子桑蓬夙所期沅芷澧蘭行采處  
嶺雲湘竹醉看時橋門授簡懷新益玉署飛觴感故知

正喜巒荒銷瘴癘好將籌策見環奇

送葉以德之官懷集

皎皎風標白王姿欲尋勾漏故南之莫愁  
遠水紆三楚且喜膏雲霈九疑岡斷不知  
奔鶴處巖開如見化龍時

懷集縣有奔鶴岡  
化石游仙岩石齒

石芝  
故云

張文定公四友亭集卷之十二

張文定公四友亭集卷之十二

廿三

張文定公四友亭集卷之十二



張文定公四友亭集卷之十三

七言律體

送龔雲岡祭酒之南京

誦生白下瞻文範學士青霄輟講幃  
鶴唳廣庭鍾鼓動鷄鳴高閣曙星稀  
吟當漢水身穿幕行見鍾陵翠撲衣  
更喜倚門人未老錦袍萊綵晝生輝

壽戴靜山郡伯七十

伯仲金緋照越川越東風月故無邊  
承觴大耋仙顏並舞綵稀齡樂事偏  
三世簪纓芳譽洽四回科甲捷華聯  
蘋洲菊徑長相憶先寄南山頌一篇

張文定公四友亭集卷之十三

入

送嘉善朱良翰經歷之泗州衛

都城未幾接容輝忽向南天衣錦歸  
雲漢路河秋片片雨收淮海月依依  
濠梁鮑子知魚樂泗水行歌縱鶴飛  
清世幕庭無一事甌山相對自忘機

八月十五日舜甫弟生日聞將至京述懷

聞說西來屬望頻况逢佳節又生辰  
深情不憚三千路樂事真娛九十親  
朋舫正沿何處月百壺先釀小堂春  
鳳城明日壘簾洽携取金莖王露新

送林文瑞中書奉使便道歸錢塘

幾度相逢白玉堂碧潭秋水映琳瑯  
河堤每候金蓮影

深院時聞翰墨香樂事人間榮書錦名區天下數錢塘  
雲霄羨爾承恩去舞綵春庭未夕陽

送張龍湖少宰之南京

儒雅風流冠世才去時先問幾時來文章卓見輝南紀  
經濟終看列上台明月故懸黃鶴渚飛雲不礙鳳凰臺  
晨星落落籌知已潦慨臨岐酒數盃

早入承天門見鴉

啞啞慈烏拂曙飛群來魏闕似迎暉鸞臺鳳閣頻相見  
珠樹瑤池任所歸屋集主恩推更好幕樓邊事報仍稀  
遶林不用劬三匝風靜喬枝正可依

張定公四章集卷之三

看新曆有感

堯紀重看首建寅坤陰旋覺歲功新太虛珠璧含長曆  
晴日風烟作小春盤裏素食羞自飽鏡中華髮向誰嗔  
韶光信邁留無術誰共修玄入道真

三窮圖

爲周子岡都憲  
毋許氏賦

即看冰蘖輝門閥不是尋常已婦清教子義如忘子苦  
愛天心卻倍夫生彌天大典惟身任蓋世鴻勳此王成  
莫歎三窮窮轉達幾聞褒詔樹風聲

辛丑十一月望日會選庶吉士於東閣

上親命題內閣吏禮二部堂上翰林掌印官校閱試卷

次日介溪有作次韻

作士吾

皇意不同

御題奎閣煥流虹才生周室終興鑄文似相如合薦雄  
雲錦隊中窺駮駢朝陽輝裏詠梧桐緘書向夕呈西內  
披閱仍勞

聖折衷

院中齋宿次水南張學士韻

小齋清坐樹重重盃茗爐檀紫禁東青靄自籠仙苑鶴  
碧山長捧御碑龍夜深簾捲微茫月陽轉庭含感發風  
明日燔柴恭對越瑤壇晶瑩九霄中

張堯公要亭集卷之三

三

次韻谷水南學士

長至郊齋玉署同傳詩銀燭夜駢虹學宜人仰詞林傑  
才是天生翰海雄靜對丰標淇上竹細聽心緒嶧陽桐  
焚魚自愧紛華髮繡虎終看動

睿衷

枉介溪宗伯感舊述懷之作

次韻

詞林猶記昔年同携手河橋躡彩虹流譽即今過禹錫

時介溪被言官論列差曰吾獨不得爲劉禹錫耶故云解嘲自古有楊雄早承交

詎堪投漆老爲知音免破桐世事不須多顧恤憲天明

哲在

宸衷

次韻杏桂洲閣老

上賜直廬志感之作二首

時上在西內賜桂洲直廬切  
兩居殿與四臣不同處

天街特授輔臣廬只尺傳宣便起居  
太液波光搖柁輦  
上清爐靄入庭除  
連楹秘殿勝前席  
接迹中官走御書  
密勿每聞籌海外  
大篇時見出公餘

繡蟒袍輝內直廬  
碧鷄簷切太清居  
仙垣佳氣長葱鬱  
人世浮埃盡辟除  
趨對屢便宣室召  
上封彌迅北門書  
太平

張定公四亭集卷之五下

四一

君相真魚水翹望蓬壺思有餘

側室朱氏以女病遣歸五年聞有疾詩以懷之  
每聞嬰疾便憂煎  
病女孤甥靠汝肩  
西蜀遠拋曾萬里  
上京相別又多年  
榮華世界浮如夢  
辛苦平生事可憐  
汛掃室庭還待我  
太君老矣即南旋

辛丑冬十一月無雪

上談醮禱祈于西苑命介溪宗伯自禁中詣都城隍廟

行香三日每丙夜將事介翁有詩見示次韻

金鑰宵開步屨西  
玉函鷄舌

上標題靈符默賦千峯雪  
御蠟寒垂百尺霓  
市靄蒼蒼

山動色神飈飈樹含凄豐祥願得呈三白琪樹瓊樓  
一醉迷

得冢宰整菴老先生書誤見許與有曰十禽之  
獲諒所不屑也感慨之餘形之末言

江介書來興莫禁不愁寰海乏知音翹心霄漢依孤鳳  
白眼原田看十禽舊學老臣懸望重困知新記覺迷深  
頽波日下天顰蹙立表中流特萬尋

示長兒子中

幼離膝下苦縈懷母氏劬勞父老衰未若人時須警勵  
不如意事要推排甘腴每向詩書得德福都從敬謹來

張定公四文集卷之十一

五一

姊弟慈闈勤省問祖宗基業善封培

和鍾石少司馬詠雪

壬寅正月十日立春前  
二日也三首

六花紛舞鳳樓前滿眼清輝映木天志喜有詩賡郢唱  
占豐無事擾表眠來甞得潤三農命螟螣遭殲萬井錢  
自是憂民勞

聖主太平風物又新年

得看飛雪早春前又喜豐祥降自天梅發故園誰正賞  
月明今夜不須眠祈神欲盡周王璧十歲勝須漢帑錢  
台席正當調鼎日憶車應愧問牛年

瓣香朝夕禮神前

君相精誠果動天入座瓊花風伯舞近春堤柳凍稽眠  
滌除塵垢勻粧玉賀取豐穰不費錢明日康衢湏擊壤  
長歌

帝力慶堯年

和桂洲至日分獻夜明壇之作

捧爵瑤壇上上頭履長元宰事

郊丘休禘徧見三千界變理頻經十二牛燈影迥聯星  
月動香烟故逐珮紳浮中興肇復成周制翊贊功歸第  
一流

立春 賜燕春餅於午門前值雪疊原韻

張文定公西亭集卷十三

六

碧醪香餅掖門前瓊雪樓臺儼洞天散作苑花當席舞  
壓低宮柳負墻眠千官被寵均登玉萬室交歡勝雨錢  
退食正逢休假日豐穰齊慶太平年

又次鍾石韻

春日春筵傍闕開千官羅列醉春盃充霄鷺羽飛還舞  
綴袖瓊花拂又來樂事共逢周室燕高歌真羨郢人才  
歸家自侈

君恩渥綵服盤旋學老萊

壽甘少湖六旬初度

次其第九  
山司空韻

湖天甲子重迴日筵啓春輝洞竹窓萼嶺烟花開似錦

雲安麴米釀成江間看海屋籌添百舞罷仙妃珮解雙  
仲氏司空遙獻祝正看

恩露洽家邦

賀介溪生孫

相國門廬佳氣塞掌珠擎出若為歡本支又見添宗牒  
綏鼎還期似祖官家世休禎非幸得人生福履是真完  
由來善慶占孫子是就蒼蒼定處看

賀張太監八十生日

鳳凰臺下重相見已度昇平八十年天府賜袍浮御  
氣秣陵新第擁祥烟山開霽色明圖畫梅放寒香入几  
筵清酒百壺終日笑始知平地有神仙

張定公西亭集卷之三

七

送太常李博士考績之京

三年究熟經綸策莫道官閒未習勤曹省定應書上考  
旂常終擬列高勲江空白鷺洲前月山動黃蘆渚外雲  
惜別津梁歲云暮詩成獨立到斜曛

壽屠首齋憲副七十

碧琅玕外紫霞衣名重時髦壽古稀湖上膏雲中欲雨  
日邊鳴鳥倦先歸蘭堦曙滴金莖露棣圃春聯玉樹輝  
八小追從今老大百壺歡賞莫相違

壽萍樓禾木采八十

十載

蓬山風

鳴夾

天

明

村

詩

北

白

蜀

甲辰歲

女

春

八

雨

飲

強

轉

條

人

月

非

礙



懷董白坡州佐

一從炎夏別西灣幾度江城放白鷗卧看曇花三佛地  
行收僊藥四明山堪憐綵袖當春舞誰更烏紗未老閒  
公子橋門流譽早望雲時欲問舟還

送王汝器歸鄞

鍾阜新晴越客來江山如畫爲君開盟違十載絕飛翰  
緣結三生此舉盃舞絮欲迷芳草徑歌鶯偏傍雨花臺  
古來文獻稱東甬英志青年肯自摧

甲辰春前一日同諸公登雨花臺趙鷺洲大參  
畱宴

張定公回文集卷之三

九

東南佳麗此非常况復新晴酒滿觴烟柳萬家春動色  
雨花千刹午吹香天空海嶼孤雲沒風靜汀河白練長  
愛煞鷺洲賢地主數愁無計駐斜陽

送陳五山太守之杭州

天目有靈綬浙土竹符仍照棣花新其弟守旆鳥鳴三竺總

仙跡人在六橋無俗塵雲繞柁牙江漾碧雨隨車轄地  
回春古來郡國登樞鉉冠世功勳在澤民

送蘇雙栢太守之紹興

鄰邦已動枯魚泣忽漫青雲載雨過坐見幽崖誅鬼魅  
歡傳涸轍變江河晴暉引岫脩容出淋氣催鶯作意歌

尊酒秣陵休惜別鄧鄉方幸接餘波

送舜甫弟歸鄧

辛苦關河慰遠懷白雲千里渡江來行籌會見斑衣舞  
儻豆欣逢綠醕開纔樂雁群牛首寺遽聽驪曲鳳凰臺  
鄉園若問官曹事家世水壺不染埃

送黃僉憲兵備九江

駐節湖天鎮六鰲捲簾興入壺天高五老向人開秀色  
二孤終古障奔濤甲科家世閩中冠英畧平生海內豪  
江漢波恬吳楚靖坐聽清響蒲時髦

壽楊太親母八旬生旦

三月十二日其前二日  
適吾母至留都

張定公西臺集卷之三

十一

間關芳甸迎親日忽憶瑤池設悅辰極羨安榮頤鼎鍊  
自憐衰老在風塵晴暉曉映金緋動露氣春滋玉樹新  
亦欲抽簪從所好潘輿陪侍甬江濱

四月十一日同諸公西園宴集

二首

羣公乘暇訪林丘大隱仙踪在帝州虛閣簾櫳晴晝  
永畫船簫鼓野塘幽探花冉冉臨高樹穿竹迴迴過別  
洲晚色鳳臺延雉堞曲渠流水泛金甌

滄浪亭上頻邀客地主風流天下稀夾徑闌干依竹樹  
入門屏障列芳菲華樓縹渺臨清鏡黃屋嶙峋倚翠微  
處處軒窓圖畫別日長猶到月明歸

新修官舍後池橋搆草亭其上扶持慈闈登眺

甲辰五月十一日  
七日三首

喜見慈齡九十三板橋登降力猶堪引流淮水成方沼  
分翠鍾陵結小菴香繞潘輿風滿院影翻萊彩日當簷  
聖朝河海皆清晏羸得公餘樂事兼

尋常鼎食鮮登三家世冰壺母氏堪身著斑衣猶手線  
昔九熊膽似今菴賓筵壽酒常盈缶官舍遺書復櫬簷  
祿養兩都真帝德獨慚忠孝若爲兼

海上蓬萊島嶼三帝城分取樂親堪栽荷正喜紅翻沼  
種栢俄看翠繞菴江吐晴雲團紫蓋山舍宿雨映茱簷

張定公西亭集卷之十三

十一

一籌未試庭闈訓自幸清朝吏隱燕

送育王寺慧曉禪師東歸

重落風塵又十年石房燈影憶談禪機超曲棘貞松外  
人在黃花翠竹邊王几金堂常入夢錢湖銀海浪飛仙  
東歸倘說西來意灰冷香爐繡佛前

奉壽整菴太宰尊師八十

聖賢迥隔英豪地道義先超名利關士棄遺經迷欲界  
天教夫子覺人聞長憐逸駕誰希軌却喜高齡獨駐顏  
弱冠門墻今白首詩成無語立江山

壽上海奚封君七十

王堂青瑣傳高譽喬木名家肅義方自有恩綸酬素昔  
不教醫藥佐康強三山影動江雲碧六月涼分海樹蒼  
黃浦日來潮有信屋籌時報壽無疆

松泉

次約菴  
宮保韻

墨潭新水映澄空上有徂徠翠叢六月清陰不受暑  
半山寒影漫流虹夢回江漢心神別老去乾坤節槩同  
巢木轉疑廬嶽影草玄時動墨池風

雙桂承萱

爲張經歷兄弟賦  
其父敬亭少保

花明堂背酒盈觴庭宇雙看桂玉蒼金縷霓裳歌按譜  
綠衣雲錦舞成行春生棘寺烏臺色露郁蟾宮兔杵香  
慈孝一門無量福敬亭千載有餘芳

張文定公四友集卷之十三

十一

張文定公四友亭集卷之十三

張文定公四友亭集卷之十四

七言律體

九月十一日巡南京外城

遠遍鍾山路未適漫於公事領清遊即看九日已無菊  
那得三農更有秋回首暮雲瞻玉署洗心澄漢捧金甌  
長空落木蕭疎甚欲採胡麻不自由

九月十八日閱江操

距霜開處水淙淙伐鼓敲金臨大江旗纛映空分隊隊  
艤艫拂曙起雙雙纜停白羽詩從槩不見黃花酒滿缸  
四十年來依俎豆強從軍旅事南邦

張文定公四友亭集卷之十四

九月廿四日巡視內城

樓堞驅馳十里強始看青旭上扶桑黃金宮殿青龍繞  
白玉城墉彩鳳翔極北賓鴻來紫塞大東商舶自朱方  
憂民會有蠲租詔坐遣南車送越裳  
漫道秋高草木黃大江終不似蕭湘

聖皇畿甸東南麗

神祖園陵日夜蒼映海晴巒千雉堞夾江烟樹萬蜂房  
心欲補天曾鍊石要看終古覆無疆

壽表親母汪氏七十

復之大尹配

慈壽傳聞屆古稀高歌白鶴寄南飛丹崖曉動瑤池色

赤堇晴流寶婺輝  
桂樹並榮青玉紫  
花封猶馥紫雲衣  
吹箎仲氏來甥館  
時聽清音繞翠微

張水南學士置酒徐氏西園招予及諸公宴集

二首

偶共仙翁作勝遊  
鳳臺雲物正深秋  
詩成白雪寒侵骨  
酒到黃花插滿頭  
亭榭幾重繁竹澗  
闌干十二抱椒丘  
帝城園數清如許  
深樹鳴禽落晚稠

江郭名園幾度遊  
又從仙侶賞高秋  
烟巒數點夕陽外  
鴻鴈一聲天盡頭  
斑竹林塘思帝子  
黃花籬落對浮丘  
主人賸蓄如泉酒  
試聽金絲入夜稠

張定公西亭集卷之十四

中秋齋宿翰院對月懷儼山宮詹

秋風嫋嫋動長安  
銀漢無雲碧海寒  
星出高槐知漏永  
露搏豐草覺衣單  
澄沙似水環青殿  
紅葉如花擁畫欄  
最好玉堂今夜月  
與公分倚鳳樓看

送直齋屠良植太僕之滁州

白璧人間不可疵  
性天原自洞無私  
苦心冰鑑畱蹤處  
直齋爲文選既過  
當遷之期適予掌部  
倚賴方殷又畱數月  
云照瞻天曹遜跡時  
堂篆直齋爲龍寶遠吞  
諸壑美釀泉寒浸兩  
峰竒欲從南去無由  
得惆悵都城感舊知

送黃久菴宗伯歸山

畿上燕臺望越州，羨公真得到園丘。經綸未展平生志，  
邊鎮猶傳宿昔謀。瀑布馬山高瀉月，石林龍窟迴涵秋。  
仙巖共護尚書宅，他日來尋地主遊。

送張雙溪侍御按陝西

橋門授簡訝非常，霄漢緘題倍有光。鷺羽欲臨青犢墮，  
豸衣先耀白雲鄉。秦中久被征徭困，邊塞惟餘草樹蒼。  
會喜激揚風紀肅，碧梧秋霽起鸞凰。

壽葑里陳妹丈六旬初度

幾回京國想容輝，見說年來步似飛。華髮已偕吾妹老，  
素心偏與俗人違。輕風鳥弄傳歌席，霽日花枝映舞衣。  
張定公四文集卷之十四入  
厦屋大田喬樹裏，小舟何日傍漁磯。

東閣書懷

畫長高閣靜金鋪，十載銓曹愧兩都。豈有經綸資燕翼，  
虛將名迹忝龍圖。神仙署冷溫藜火，閭闔風高縱鳥鳧。  
頭白齒搖歸未得，不禁清興遶江湖。

枉渭厓宗伯和荅東閣書懷之作走筆復之

前  
水花益沼錦雲鋪，過雨新涼徹上都。功到格天稱至德，  
人於康世見雄圖。身輕自許終披鶴，頸短何煩更續鳧。  
有弟鄉園頽報我，已栽花竹遍槎湖。  
雨後莎茵翠密鋪，柳風和露淡

神都移身王署迷時好畱意金甌愧遠圖老去有懷耀  
似鶴年來多病懶於鳧竹籬茅舍明山麓欲與

君王乞鑑湖

五雲樓閣錦平鋪二百年來此

帝都拱極河山開卷畫際天洲島入輿圖常將朴性希  
槽驥不以機心動海鳧衰病

主恩酬未得幾嗔飛夢落西湖

再疊荅涓厓

二首

王書緝帙近前鋪

九廟諸壇儼

張定公與亭集卷之十四

四

聖都禮樂百年何啻足阜康今日正堪圖棲雲畫棟雙  
雙燕流水長河片片鳧肉食禁垣心轉戚頗聞凋瘵滿

荆湖

西來空翠爲誰鋪粧點乾坤壯

王都自愧軒乘虛厚感難教藿食議洪圖郊雩

詔振桑林羽鎬宴人歌旣醉鳧范老岳陽憂未解肯於

廊廟改江湖

予提學湖州嘗十過岳陽

第七子彌月

塵途三紀鬢毛新笑撫嬰兒向老親鄧禹詒謀惟藝術  
竇郎陰德歟清貧王街涼色烟霞曉御苑恩輝草樹春



甬水緒承綿竹遠

南軒先生  
蜀綿竹人

只留心地作家珍

賜麟袍

賀介溪宗伯新

麟袍新賜眷彌隆  
渥露光搖帶玉紅  
瑞氣九霄

龍袞合德輝  
千仞鳳韶通  
司春事與文相屬  
華國身看  
服更衷况是振振宗  
姓日好將周什和虞風

一齋李翁雙壽

海上華堂酒滿卮  
碧山新霽轉涼颼  
平生報國老終見  
此日過庭人自奇  
瑤席捲簾天駐景  
綠衣籠錦日重熙  
辟纒勞婦今禴翟  
應共仙翁一解頤

張文安公西亭集卷之十四

五

洞庭湖

百川奔注勢如傾  
涵納無涯運量平  
深酌黃流天下煖  
淺斟玄酒萬方清  
波迴岳麓功非小  
浪拍君山力自輕  
千古不灰神禹廟  
蒸黎何以谷平成

登拜嶽亭

纔上高峯眼自醒  
雙鴻得意展秋翎  
雲中下見王喬鳥  
樹裏平看傅說星  
影浸湘江窮地碧  
勢連衡嶽極天青  
古來間道名如日  
誰向岩厓費勒銘

秋日試太學諸生

碧山書院松江流  
萬國英賢此息游  
好雨乍收三伏暑

高禔先送六堂秋龍煙集處翻河漢  
奎葉聲中動斗牛  
漫憶昔年雲錦段  
天孫親贈鳳池頭

戊寅十月十九日桂陽州奉懷老母誕辰

自乙亥到

官凡四逢誕辰邦奇皆在遠境

從辭金馬下星沙  
桂水湘雲憶舊衙  
寸草極知春似海  
羈途誰念思如麻  
年華荏苒偏驚客  
王事驅馳敢顧家  
早晚投簪應自慰  
潘輿長許侍萱華

衡山會嚴太史見遺詩韻

戊寅十月廿六日四首

薜芷岩華幾興濃  
楚江燕水寄無從  
星河路借湖南出  
天上人疑夢裏逢  
帝子乘雲歸暮竹  
神仙呼鶴下寒松  
十年此地如修約  
把酒看山莫厭重

張定公函意集卷之十四

六

桂嶺旋車毒霧濃  
祝融晴樹喜追從  
風塵十載不相見  
人世幾回能此逢  
湘水未湏悲屈賈  
瀛州仍許挹喬松  
請君今夜莫辭醉  
來日雲程知幾重

虛堂寒月酒卮濃  
却憶金闈昔過從  
京觀幾同瞻

黼袞湖山今獨敞  
章逢相如自夢西  
垣草元亮真憐故  
國松聞說翠華消息好  
洞庭雲結思重重

五到衡山空興濃  
火雲冰壑歎誰從  
良緣似向生前得

勝友仍於此地逢  
紫蓋峰頭催送酒  
匡廬山畔約巢松

使君自比子長思  
湏了臨蒸路幾重

自郴桂還至衡山連日曉霧四塞近午乃散予  
以十月廿六日至山下齊宿將以次日祭廟  
登山竊念若得曉霧不作縱觀列峯實一快  
事第連日勞擾更事恐一時誠意未足以動  
神靈至日偶值天晶氣清層翠如洗因再次  
前韻

連日紛紛曉霧濃人心初動嶽靈從浦空澄翠晨暉發  
萬里佳期舊侶逢霽霽高懷歸素月開雲精魄寄寒松  
我來未敢希前哲偶拾天南翠幾重

送陸東川之官親藩無歸省觀

張寔齋孟集卷之四

七

相見京華絕幾旬又看征騎逐紅塵烟花正拂春風細  
雲錦重霑雨露新瞻闌夢飛千里月上堂歡動百年親  
鳳凰山外盱江碧五夜銀潢映玉宸

大龍驛與武陵諸生夜坐

樨華源上雪華飛向夕携尊躡翠微仙境暫留漁父宿  
蓬山思逐羨門歸春風欲動芳洲色簷月猶疑棗萼輝  
秉燭不妨頻見友百年知己會應希

戊子春予赴春坊

召命會故人馮子和水部于呂梁比至德州得邸報承  
乏南雍以仲夏之望再會子和賦此

掛席彭城今幾旬水曹燈火又相親周游險道真應熟  
邂逅同心不厭頻雨後青山塵外景天南黃鶴夢中春  
詩篇最憶玄暉手吟向澄川月色新

邀光祿劉毅齋諸公壽叔祖葵軒公于憑虛閣  
席間聯句又各次韻

尊前秋影落高梧鷺嶺風烟樂事俱節過重陽絕見菊  
地逢竒勝且囊萸離宮別殿今何在芝草琅玕夙所圖  
猶有白雲千里隔度江來日更相娛

正月十四日登木末亭

陰寒江左動蕪句此日晴探木末春歌過流雲天萬里  
張定公孟集卷之四

氣凌飛鳥酒千巡星橋碧殿歡何在舞柘傳柑事已陳  
風磴絕憐修竹裏夕陽禪刹更畱賓

送白樓先生

殊階崇績古稀時第幾辭章又

玉墀霄漢百年真稅駕乾坤萬古一游絲魚吹碧水搖  
遲日鶯喚青春過北枝震澤中心洞庭曲月明仙舫醉  
還移

和費鍾石送弟詩韻

客鄉金玉許誰羣忽謾江天鴈影分夜榻不經三月雨  
春船聊逐五湖雲池塘碧草重回夢瀛海銀魚豈浪焚

黃閣勳名家世物眼中當棟更華芬

天游陳京兆年况得允致仕賦詩見示次韻

聞說歸來已賤詩  
麥秋膏雨正郊畿  
駝峯尚憶陪春署  
雉羽親瞻下玉墀  
野外風煙行樂處  
庭前花竹醉吟時  
年華二紀輸

王國解組餘生是所私

壽梁竹村先生

九月五日

桃源風景是仙鄉  
甲第家聲舊屬梁  
氣合皋蘭追邃古

詩聯雲竹照清湘

家祖號東皋竹村先生尊翁號友蘭有皋蘭唱和藁家父洞雲府君與竹

村同寓湖湘有雲竹唱和集

五千遺卷餐俱盡  
七十年華樂未央  
瀛

張定公西丞集卷之十四

九

海暗通壘脰水極星高燭薜蘿墻

贈應文華先生

風神秋水濯瑤環  
瑒瑒聲名滿世間  
門外曲渠通碧海  
苑中啼鳥悅青山  
雨收簾幕青春好  
華覆琴書白晝閒  
會有蒲車臨鄭谷  
鳳池行聽佩珊珊

已卯夏四月與同寅惲功甫汪榮之二憲副黃

文之少叅同至襄陽予先發約竣事還遊武

當

故人應醉白銅鞮  
獨坐輜車下水西  
顧盼不遑山百轉  
謳吟無地鳥羣啼  
烟中樹色寒踈雨  
竹外華枝映淺溪

紅日下春春寂寂共誰攜手躡沙堤

雨後發舟鄖溪將登武當

時以己卯春正月出  
巡黃梅四月終西至

鄖陽乃往東行  
往返三千餘里

昨過黃梅梅未黃黃梅時節下鄖陽羊腸不斷客心苦  
鳥跡以來人事忙風捲山嵐迎遠旆雨添溪水送輕航  
麋城喜有同袍約共振征衣萬仞岡

石首夜分司聽雨

長途終日苦勞形夜雨山城傍客鳴萬里天顏飛夢杳  
一江風色巨舟橫隨陽有路憐鴻跡遶樹無枝怨鵲聲  
記得十年霄漢地王書親捧入承明

張定公四交五集卷之十四

十一

上巳日周王巘司寇拉遊蔣山枉詩見惠次韻

郊行長爲簿書遲勝友壺觴已翠微夾路桃李華迷入洞  
傍溪鷗鳥憶臨沂松陰坐久還移席草色春深欲染衣  
紅日下春湖水碧石橋齊蹋彩霞歸

春日邀諸翰長會餞東橋先生于鷄閣分韻得

開字

霽日方山翠滿臺故人相見各憐才幾傳京國新詩句  
聊盡東南濁酒盃此夕惠風酣浙水它年膏雨渥天台  
大江春盡平如許會見舟航次第開

郊齋次紫巘家宰韻

二首

禁城楊柳欲垂絲

聖主親將大輅時雲拂紫宮雙彩佩日臨黃道幾華旗  
條風擬應人多福瑞雪先占歲不饑遙想穆清通帝德  
五方靈貺

九重知

翠壁修篁映小齋翹瞻

宸極正虛懷靈壇夜月趨羣辟清蹕春風靜六街明水  
自聯蒼壁瑩黃鍾猶與上辛諧由來一德  
天心格霽日卿雲處處佳

送楊菴都憲致仕

張定公西亭集卷之十四

十一

鄉園分祿仍城闕弱冠霑

恩到白頭春溼江南收霑澤霜清寰海罷行秋儒紳共  
羨完歸璧雄傑多危末路輶一片青山百壺酒始知京  
國有丹丘

庚寅正月初九日夜雷十一日大雪次貞菴司

寇韻

雷動江南暖氣回卻驚何處雪飛來春聲已振千江蟄  
凍色俄封萬壑梅神雀集餘頻紀瑞祥麟獲後獨書災  
杞園淩室空紆思猶有調元屬上台

次貞菴司寇遊清涼山韻

春來佳興在青山，況是禪林夜不關。  
下界塵廬蒼樹裏，上方鍾鼓翠雲間。  
良辰莫負千尊綠，浮世今看兩鬢斑。  
桃李蹊邊空自擾，萬金難買一心閒。

次韻荅有涯雲龍觀之作

石朧潛包楓樹林，書長仙洞發鯨音。  
捲簾飛閣青山滿，透葛輕風碧徑深。  
江上白雲游子意，眼中華髮故人心。  
兩都今日盧龍地，並是黃旗紫蓋臨。

送周王巖進表之京

蓬山宮闕靄祥輝，南國名卿覲

紫微華髮坐臨千嶂迥，畫船高挾五雲飛。  
葵心捧日日

張定公西亭集卷之十四

十一

常照龍德稽天天不違，金鏡九霄將冊罷會看

恩露滿朝衣

雨後觀漲

次韻荅久菴宗伯

兼旬乍歇江皋雨，三伏深便枕簟涼。  
楊柳渠塘通活水，芙蓉池閣靄斜陽。  
靈槎坐憶銀潢遠，蓬島堪憐玉樹長。  
莫謾臨流動歸興，眼中民瘼可能忘。

哭鄭鹿門大理

次林小泉司馬韻

鍾陵西望楚天秋，何處風煙鶴駕游。  
木葉瀟瀟下漳浦，浮雲漠漠掩巴丘。  
愁嗔關塞頻年隔，老恨乾坤一見休。  
峴首烏啼鹿門冷，月華空滿仲宣樓。



雨華臺次華泉大司徒韻

形勝東南說此邦，登臺風物果無雙。  
雲邊塔影層層寺，樹裏潮聲面面江。  
酒到愁圍應自解，興酣詩壘定誰降。  
眼前飛雨紅凌亂，笑引洪厓一駐幢。

清涼山次華泉韻

何處城堙却有山，偶隨仙侶過禪關。  
三江繚繞青天外，萬屋縱橫綠樹間。  
有此風烟聊拾翠，曾誰毛髮解逃斑。  
年來案牘埋頭甚，珍重幽亭半日間。

送戴姑丈之官沔陽之茅鎮

夢中荆沔憶多年，送子西行思渺然。  
黃鶴樓前秋聽笛，白龍湖上晚移船。  
鄉閭儒雅推先輩，家世簪纓及後賢。  
茅鎮月明蘆雪滿，鴈行斜界野南天。

葑港墳菴次東汝村韻二首

小港輕舟帶雨收，茅菴村會總儒流。  
盤迴四野山疑動，環抱雙川地欲浮。  
勝槩從前誇舞鳳，地稱飛鳳形先翁曾此

見眠牛。幽宅先君所自擇天寒落日松楸暝，無限傷心去復留。

頑陰兩月不知收，偶榜沙棠溯碧流。  
十里翠屏雙鳥度，一奩明鏡片鷗浮。  
新移老檜堪棲鶴，舊植青松欲蔽牛。  
寐寔草堂春晝永，青餐白飯強淹留。

九日登觀音閣二首

偶逢佳節尋幽事直上半空窺急湍巫峽行秋來萬里  
滄江浮月浸層巒望窮海外蒼煙地欲借天南白鴈翰  
落帽風流君不見晚潮聲裏更憑闌

日出江城煙霧消白雲如帶遶山腰長林亂灑蕭蕭葉  
溟海東來滾滾潮秋漲直應吞楚蜀霜厓殊不數金礁  
幾逢勝地仍佳節擬向月明吹玉簫

與紫巖太宰諸公登東麓閣

萬井炊煙白鳥飛高臺仙麓迥涵暉青山晚映黃金屋  
翠竹秋橫碧玉扉天靜邨砧催木葉日斜江郭抱林霏  
舊時王謝風流盡尊酒賓朋一解衣

張定公全集卷之十四

十四

又次韻

宮廬東望幾翬飛形勝江南似此稀紫蓋黃旗輝鳳闕  
淡烟斜日映鳧磯羣公酌酒窺澄碧太宰傳詩出翠微  
風物况臨重九節君今不醉欲何歸

次白巖韻

燕子磯高江水深甌來今日共追尋隔波烟樹片山紫  
萬里秋空孤鴈吟復有風詩酬物色不勞鍾鼓答潮音  
乾坤勝槩知無極幾度重陽我輩臨

金陵懷古

次浚川大司馬韻

海外無憑問十洲金陵佳勝且盤遊晴鴻歷歷三江水

煙草萋萋六代丘此日興亡猶有恨當年歌舞豈知愁  
偶同尊酒消駒隙回首千秋思轉悠

次韻答大司馬浚川秋興之作 三首

瑤京翹首幾謳吟白日輕陰不受侵禮樂盡歸周格局  
文章都作漢聲音寒蟄故入三更夢旅雁時搖萬里心  
何事樓船閣江浦潦收淮水碧深深

浚川夫子慣豪吟苦被縱橫筆墨侵榆草楊雄玄尚白  
撫桐陶令竅爲音堂開夜月凌秋  
簾捲寒城薄暮心  
幾日松煙三百斛爲君臨灑習池深

西風齋閣展新吟驪日光寒病骨侵世事陽春常寡和  
張蒼禽雀集卷之四 五

客懷空谷久無音梅華斜白石洞峰影倒入澄江心  
却憶他年坐惆悵草堂深

送陶醫士歸彭澤 六

忽憶先人松菊園秋空獨鶴飛昔年金谷已無主  
今日紫桑猶有孫青龍白虎  
眞訣首帝素女通靈源  
匡廬吾欲拾瑤草幾 問 不言

庚寅冬至郊 一首

天語丁寧下鳳樓小臣何幸際成周

淵衷素擬通無朕大典新應渙有丘燕谷陽回氣郁郁  
海隅歡洽春優優遥瞻羣辟駿奔走霽月卿雲環

王旒

贊裸無緣共禮官  
眼中突兀想瑤壇  
統樞星宿森分列  
捧口山河萬結盤  
陽朧暗依鍾律動  
月華斜映璧琮寒  
極知對越天無遠  
清坐江南翠玉竿

至日齋居

次韻 卷京 地韻

瑤甍南郊明象緯

聖人作灋禮穹玄  
九霄瑞氣臨休享  
萬國靈飈應吉鬪  
旦日光華瞻舜日  
彬彬文質見周年  
勉旃夙夜長無斁  
千里微衷贊格天

次紫巖太宰韻 二首

張定公西亭集卷之十四

六

祥氛遙擁翠雲裘  
禮樂新將萬國柔  
五緯効靈先協聚  
百王遺法此全收  
玄機密與黃鍾應  
馨德仍依寶篆浮  
周曆面稽應邁卜  
長天一洗杞人憂

渙彌九重嚴制作

皇圖千載卜靈長  
祀專

上帝崇嚴翼文紹  
先王闡耿光  
禾穎已符周室瑞  
嵩呼還協漢家祥  
雪梅霜竹清齋裏  
夢領鈞天到九章

次貞菴司寇韻

部省爐熏俗事捐  
幽都初見攝提旋  
千官共秉精明德  
萬里均瞻咫尺天  
壇肇南郊綠古制  
席當宣室為誰前

光風曙月居歆處  
早曙前星悅

聖頌

次小泉司馬韻

兩月瑤壇已告周  
八方歡動免征求

昊天清穆元無對

大聖文章自不侔  
雲護仙旌巖

玉輅香浮祥靄

宸旒懸知

一德隆冥春杞國  
從今散夙憂

次韻答華石窓

二首

張定公四集卷之十四

七

一從江上買幽廬  
碧水青山任所如  
小闢茶園聊浣俗  
遍栽芭葉爲供書  
逢春幾下徐生榻  
未老先懸庶德車  
地隔雲溪心不遠  
光風隨處足鳶魚

得酒賓朋且共懽  
此身天地倩誰安  
沙頭白鳥隨綠集  
門外青山柱笏看  
細雨忽衝華徑濕  
輕陰重釀麥秋寒  
相思幾日不相見  
漫向江臯一采蘭

寶嚴寺

次舊韻  
二首

廿年幽勝廢追尋  
此日重來徑草深  
茗碗香爐晝寂寂  
竹房松院山陰陰  
溜塵不上遠公榻  
白鶴長棲支遯林  
孟度夕陽還入定  
坐看涼月墮江心

三載槎川懶出門，偶臨禪刹洗塵氛。堂前扞暑有深竹，  
山外混天惟白雲。鳥弄不知何樹裏，鶴歸長在此溪汾。  
芳尊石榻坐終日，又上高峰乘夕薰。

又次東沙并韻

江郭斜暉漾碧沙，上方迢遞白雲涯。山中老衲堪蓮社，  
門外清溪類浣華。引興壺觴消永日，開襟樓閣盪飛霞。  
燕京去此三千里，知是何人又草麻。

贈梓上人

昔日相逢俱少年，重來應笑我華顛。倚樓蒼壁霏霏雨，  
覆院脩篁漠漠煙。銀箭銅壺催送酒，竹爐蠟燭巧分泉。  
山深不解風波惡，伏虎降龍任老禪。

張定公回孟集卷之十四

六

次韻寫懷二首

滄溟擬下任公鈞，雲漢誰磨博望槎。高閣坐看江似沼，  
深山頻見棗如瓜。天空筆硯流虹影，夜靜簾櫳浸月華。  
塵世幾人能曠達，有涯長苦逐無涯。

春雨蕭疎老紫荊，磽田下澗有畱耕。林中果熟呼兒摘，  
谷口人來聽鶴迎。江郭好風催月上，海樓晴日看雲行。  
關門令尹今誰是，隨處青牛得避名。

次韻奉荅父

湖上芳洲杖履回，幽林惟許阿咸陪。青山幾點日將暮，

黃鳥一聲春又來，濁酒且呼表仲飲。新詩况出杜陵裁，  
今霄擬了華朝念。乘興期過得月臺。

和前韻二首

已見東風第幾回，酒燈詩雨此追陪。眼前華柳應探得，  
塵世功名是倘來。陶令葛巾存舊漉，斑姬紈扇費新裁。  
詩成短閣攸然笑，誰更文章擅玉臺。

東南烟海鶴飛回，四載湖山倩獨陪。雙鬢忽看金鏡改，  
五雲曾領玉書來。天桃欲向鶯簧語，短草如經燕剪裁。  
滿地物華探未足，春風相引又登臺。

夢兄

三月二十八日寅初刻

張文定公詩集卷之十四

九一

廿載西風攪鵲鷓，斷腸今夜夢魂醒。兒有待承宗祏，  
買石無金缺墓銘。老淚幾番頭漸白，孤墳三尺草頻青。  
紫荊花落春猶在，起佩豪曹步列星。

秋日同李揮使登招寶山

次韻

偶向晴空步石梯，微茫洲島思俱迷。舉頭紅日碧波盡，  
極目孤雲秋鳥齊。命鶴便應遺赤縣，升槎誰更數青溪。  
清朝職貢窮天覆，正喜邊關無鼓鼙。

見舍弟輩小試文字喜而有述

澄明樓閣水縈回，玉几牙籤鎮日陪。煙壑春催鴻鴈起，  
竹林風引鳳凰來。丰姿璩瑒離塵立，文藻機雲稱意裁。

視草獨慙虛夢久早聽英譽動金臺

與汪汝器宿翠山寺次韻紀事

楚門清對碧溪回更有風流地主陪携酒松庭看月上  
烹茶石鼎引泉來家聲共績徽猷緒堂扁仍看秋閣裁

一宿山中心境別夢隨威鳳入瑤臺是夜夢脩竹一枝出雲霄之上題詩

有風起雲霄切太清之句  
次日得報起復四川

哭裴氏妹四首

聞說歸寧自澣衣老親含笑倚雙扉百年桑梓臨相見  
萬古乾坤遽永違棠棣春榮空有夢鶻鴂風急竟無依  
姬江不盡東流水每日西瞻淚幾揮好嘗夢予有顯陟喜而相告

張文公函交高集卷之四八

廿一

重泉不是往回途終古嬋媛失女嬰七十爺娘愁慘慘  
半碁兒女泣呱呱幾人浮世親兄弟獨汝英資女丈夫  
骨肉凋零容髮改又堪揮涕向魚鳧

幾番勞役爲吾親萬里西征仗汝身白日應知人事苦  
皇天不照我心仁啼烏暮下橫山麓野艇秋移舜水津  
彭澤解官綠妹死封章重擬達

嚴宸

故家遺澤頗流馨惟有斑姬最泐靈妙語自能符訓典  
幽姿元不受丹青葛覃賸罷心偏苦柘館悲餘思獨醒  
萍梗百年慙我在悽然千種話誰聽



丹徒旅泊有懷萬氏西溪

聞說西溪景趣賒  
美人相引入煙霞  
白雲山腹半藏竹  
青靄石橋深護華  
龕影夜堂舍利磬  
聲高閣飯胡麻  
大江回首今千里  
飛夢時時到九沙

張文定公四友亭集卷之十四

張文定公四友亭集卷之十四

世一

張文定公四友亭集卷之十五

七言律體

苦雨荅東沙林次韻 二首

澤國夏來長惡濕却翻東海浸西疇一年誤爾尊中綠  
十日奪吾江上洲淮南休歌虎豹穴漁父自愛鷓鴣舟  
記得少年賓出日白王堂前丹鳳樓  
埋沒東南芳草洲兩師心事欠休休水深空吟獨漉賦  
路阻不盡張衡愁猶有鹽梅存燮理漫憐瓜李正沉浮  
霾陰白日豈終蔽酒醖蔬盤聊爾謀

觀漲次東沙林韻 二首

張文定公四友亭集卷之十五

乙

六月猶連五月雨坐嗔江海漫田疇幾竿脩竹列荒徑  
三十青荇標遠洲消遣寂寥無一事支持天地有孤舟  
何當晚霽出新月上下清輝涵石樓  
不見江南白鷺洲彌天風雨幾時休魚兒撥刺鷓鴣喜  
花事伶俜蛺蝶愁越水吳江此日混瀟湘洞庭何處浮  
比隣欲去嗟無路入室空爲斗酒謀

又戲走筆

陰霖一月百不遂謾學前人說四休桑穀凋餘弱女歎  
梅梨覓盡癡兒愁乾坤老去失青眊風雨悲來娛白浮  
丈夫懷憂極寰宇豈逐鷄鶩爲身謀

雨漲不歇懷定齋都憲

二首

出門無路問蛟虬積雨空林試筆疇賸有深寒銷伏暑  
曾無塵事及滄洲雲師太擅陰陽柄海若欲移天地舟  
憂國老臣伊傅手濟川須下夾村樓

霖潦朝朝蕩海洲箕疇當屬咎邪休即看社鼓千村急  
不減汗萊萬室愁烏雀飢疲甘瘵寔鳧鷗歡喜劇沉浮  
孤舟野渡橫終日誰向東山問國謀

喜晴枉東沙叔詩又疊前韻

二首

湖頭被雨惱不徹忽有霽景清郊疇天邊暉曠萬壑  
海外分明見十洲金峨山前碧玉流木蘭之嶼沙棠舟

張定公全集卷之五十一

二

百幅蛟縮一壺酒葛洪僂我棲星樓

策杖丘園枕樓閣苟取適意無行休老大方知性不染  
古今獨讓天無愁煙回海色碧峰出風感江紋斜日浮  
聚散陰晴各有定時來了不關吾謀

又疊東沙叔喜晴韻

四首

皇天恒雨問無由霽月今宵悟禹疇吹笛仙人過鳳苑  
弄珠神女下瀛洲詩成坐愛玄暉練夢穩輕移太乙舟  
酒罷稍須禁逸興明山惟恐破烟樓

玄機眼底分明露詞圃誰甘寂寞休即有晴暉能送  
可無詩句併祛愁摩空翠壁千尋出際郭黃雲

風景極知新，齋好登山臨。水豈須謀。

四明山高高絕，允欲往登之。將共疇泥雨，深埋石橋路。  
霏煙忽歛薰，葭洲細嘗東。鄰竹葉酒買入，西港鱖魚舟。  
徘徊石窻酌，北斗蒼霄俯。視千岑樓。

平生懶惰絕，人事覽勝探。幽老未休造，物於人各有分。  
皇天付我元，無愁青山娟。娟王蟾吐碧海，朵朵芙蓉浮。  
十日陰霖一日霽，君今不樂將焉謀。

峇新甫疊韻

吾家兄弟爾，豪宕擊鼓投壺醉。不休白日閒，來有佳訊。  
黃金散盡無疑愁，寧爲犧尊廟堂用。豈作大瓠江湖浮。

張定公四亭集卷之五

三

院竹簷花幸，鄰近風晨月夕憑。君謀。

又疊韻答東沙叔

六首

簷前暮色遽如許，寺宿山行未擬休。倚馬揮毫宿有興，  
剗羔伐鼓今何愁。騰霄鶴鶴霏煙薄，曝日龜鼉激艷浮。  
機巧百千看日拙，只輸沉醉是工謀。

青門望晴已彌月，乍喜潦水收。仄疇風入長松淨，溪壑  
波搖赤日明。滄洲教子敲針學，垂釣呼僮編筏替。乘舟  
憑君莫問塵中事，盡是登州海上樓。

豹出南山霧雨歇，茫茫下土承明休。千家萬家歎作稔，  
今日何日歡更愁。碧樹清薰獨鶴下，澄沙細草孤烟浮。

蓮花白載竹葉艇請君莫寢遊行謀

江上見猜動百感補天手段終誰疇黑霧推還翡翠閣  
洪流讓出芙蓉洲世事渾看類野馬我心久矣同虛舟  
華星明月不解飲一似背山高築樓

爲人性拙薄生計年年種林陶翁疇林霏新開檜竹徑  
江島自上滄浪洲明月宮中修桂斧清風溪上采蓮舟  
石窻玲瓏石壁粲洪厓謂我公家樓

平生好游不好飲把醖不過三五休絕壑危巔有真趣  
養恬致虛無客愁天光乍逢此日好百年自信吾生浮  
逝將避暑竹林下步兵厨頭差可謀

張文定公四奏集卷之五人

四

舟發淮陰簡馬柳泉巡撫胡南津亞卿潘熙臺  
都憲蔡合江學士楊筦湖通政

小住淮陰又浹旬畫船回首一勞神良辰勝地如先約  
賓館樹盤總故人晴日正消河朔凍東風欲動柳條春  
鼓鼙不用憂西北滿腹雄韜見老臣

房村夜泊

二首

一別詞垣感歲年輕舟今日更朝

天夢回越國三千路春動齊東七十泉轉舵沙灣知水  
急落帆村柳見星懸王人望斷寒宵永楚水淮尊對不

眠

樓船侵曉發長干已遇條風報臘殘  
鴻鵠自紆千仞思  
鷓鴣惟解一枝安  
沙塘近海孤流急  
荻店邊淮片月寒  
三十四年牢落地  
夢中容髮鏡中看

滕陽元夕遇雪

滕陽館前值元夕  
同雲四野飛瓊花  
火城星橋未足數  
瑤樓玉宇真堪誇  
子房山頭赤松下  
項籍城南春草賒  
風薄重裘類輕葛  
眼中柰爾無衣家

立春日得雨

齊滕不雨五越月  
此日四山雲氣來  
大野粼粼蘇露霽  
長途車馬息塵埃  
何人爲作喜雨賸  
有興欲上歌風臺

張定公四安堂集卷之五

五

薄暮慈憚幸無恙  
笑呼兒女進春盃

陽峰爲張學士

曾辭金馬下南荆  
獨倚陽峰聽鳳鳴  
京國文章傳太史  
泮宮絃誦集諸生  
疎篁遠透青田色  
明月長流漢水聲  
從古地靈人自傑  
玉扉朱紱稱佳名

仰宸樓陽峯所築以藏御書者

地近長沙殊賈誼  
筆生華朵類江淹  
掖垣視草星辰近  
飛閣藏書雨露兼  
山放彩霞明錦帙  
江浮紅日動牙籤  
五經腹笥孤忠赤  
長侍

君王百不嫌

鍾戶侍復姓

憑將倫理推心術宜爾佳名父子傳譜系千秋迷更復  
仙源一派斷仍連即看恩露霑天表隨見仁風洽海堦  
自古流光緣德厚爲君仄詠綿綿

桂州宗伯與序菴閣老對雨東閣有詩見示因

次韻

曾勤物色傳巖扉霖雨携將入太微聲散九霄天發籟  
暑銷三伏地旋機風雲正藉尚書履膏澤偏霑上相衣  
忽訝明珠五十六鳳池擎出電交輝

除夜次兀厓韻

張定益先生集卷之五

六

旅懷今夜未成眠雪晃孤燈對簡編世路幾逢青眼客  
韶華奄擬白頭年長憐禹績垂千古况覩堯光被八埏  
坐想化機無滯迹便從新歲滌陳愆

除夕簡王原明

酌罷新醪睡未能青燈坐惜歲華更北堂憲州乘春茂  
西院梅花映雪明

先一月道觀梅

海內隆平看鼎脞眼中感

否愧銓衡可人寄跡南城角瞻望如聞笑語聲

送王原明

幾回望汝越江城忽漫相逢喜又驚萬里巴河萍梗跡  
十年京國屢屢情烟華日駐千巖色堤柳春催百鳥聲

人事可珍惟孝友綵衣歸去善承迎

祀

陵次小泉司空韻

玉露金風松栢林層壇層閣氣陰深

九天聖爽居歆地五夜廷僚對越心山作駿奔龍朮壯  
岡如鸞舞塞雲沉小臣廿載重瞻謁明月華星感素襟

送少司馬錢桐溪出撫嶺

京雨香山淨宿烟潞河新有下灘船周王御宇三監重  
漢相行邊七政懸臺月夜鳴瓊海鶴戟霜寒映嶺南天  
極知名德紆

宸眷京國旌旄望早旋

卷定公四文集卷之五

七一

中秋枉未齋學士招於靈濟道院翫月次韻

風景寰中第一宵

帝城仙院路非遙幾年不作瀛洲會此際真憐物外招  
塵淨六街初歇雨星羅雙闕正回杓酒深道士還相勸  
清淺銀潢動玉簫

贈易欽之歸省

清秋京國整萊衣見說蘭橈亦擬歸海內與君同意氣  
天南那復異庭闈鳳銜

丹詔來晴晝鶴領卿雲度翠微最喜上堂嘉慶畢春風  
常棣有光輝



辭朝 八月十日

日日都門憶故鄉  
臨辭金馬却徜徉  
江南已覺庭闈近  
天上仍霑雨露香

先八日賜路費

水性百迴終會海  
葵心何地

不傾陽唯憐自負

君王久回首  
壘坡恨轉長

九日臨清舟中

何處華開獨不見  
秋光亦自滿江皋  
客心惟愛故園好  
佳節不知人事勞  
簾外水聲迴曲浦  
煙中樹色遶荒壕  
憑誰欲覓登臨地  
落日青山空興豪

過濟寧

張定公叟亭集卷之五

八

濟南風物益堪傷  
暴骨浮尸道里長  
灰燼盡流河水黑  
粢糧蕪壅渚沙黃  
殺人豺虎心何慘  
誤國姦諛罪可量  
愧我有官稱禁近  
却憐無路達

君王

晚泊淮安

樓船東下免雲羅  
掛席長淮一嘯歌  
歲歉人煙非舊日  
秋深風景但蒼波  
夕陽天外征鴻杳  
青艸湖邊宿鷺多  
明發一盃辭鐵甕  
看山看水過涇河

大雷山懷舊 二首

十年重到大雷山  
依舊鷺華白  
晝閒細艸遠連春  
澗綠

落梅時點客衣斑  
流塵歲月人空憶  
逖徑煙霏鶴未還  
采遍蘭皋猶駐馬  
夕陽何處水潺潺

係舟邨市踏平灘  
纔到山中便改觀  
一夜雨過鳴澗壑  
半空雲隨失峯巒  
人家有徑蒼苔滑  
蕭寺無僧翠竹寒  
此日故人千里隔  
欲攀高頂望長安

建舉禪寺逢聞美中讀書

白雲深處隱招提  
京國歸來暫息機  
猶有餘春催布谷  
更無塵事感醯雞  
參橫翠竹連深徑  
依約青山亂隔溪  
最喜故人能避俗  
夜窻還擬共燃藜

遊慈谿清道觀

張定公西臺集卷之五

九

將尋仙跡野江濱  
解纜江湖捷有神  
脩竹墻頭雲甃石  
老松門外蘚封鱗  
路窮危磴渾忘俗  
山向深秋欲瘦人  
白髮洪厓終日笑  
爲呼玄鶴下風塵

宿永明寺

矚水詩僧總不羣  
偶尋清話得閒身  
芙蓉紙帳眠燈影  
艾納湯盤悟水因  
深院有華皆映竹  
石橋何處却生塵  
慙予未擬參蓮社  
每日常勞轉食輪

遊西溪書院

院在天目  
松楮山石

西入荆扉與典宜  
琅玕風引路逶迤  
青蒲葉映深深障  
紅槿花開短短籬  
老樹遠分天目翠  
孤峯真奪楮山奇

主人日有詩千首一度吟來一解頤

同襄少叅先生登西山

誰傳消息與山神侵曉先將雨洗塵猿鶴盡迎金帶客  
烟霞渾瘦玉堂人層岩列嶂羅天際翠竹蒼苔照水濱  
遊興欲狂無地遣任風吹落紫綸巾

壽何毋七十

小佳人間幾十秋華筵開日更添籌起翻妙舞皆英物  
來祝長生盡勝流白髮經看新瀚海朱顏不改舊秦樓  
從今欲釀千年酒門外湖波好似油

送憲副李仁仲之貴州

張亮公西亭集卷之十五

十一

壯懷何地不相宜誰共楊朱立路岐京國十年長服  
湖山千里更新詩如今莫訝顛毛改從古皆憐矩步遲  
任是別餘音信隔月明知在數峯奇

秋晚東郊禪寺有感

好友招邀到遠禪興來時物太相煎風飄浦徑蕭蕭葉  
水合前溪淺淺泉精衛有心填瀚海驂騑無計出燕然  
酒闌便促周王駿回首光陰三十年

又次王天宇兄韻

絕憐佳會市城稀來看禪房竹映扉滿徑霜華僧獨對  
一天秋色鴈南歸牛山何用傷身老陶令真能悟昨非

欲向澄江問消息可無人似謝玄暉

感懷次天宇兄韻

邊關胡騎正啾啾慘淡西風白日幽道在自應天下服  
師還那合禁中畱太原出將皆巾策霸上屯軍直浪遊  
山外有山歸未得斜陽獨立思悠悠

送惟靜舛西行

岐路徘徊意慘悽更堪寒雨灑征衣幽懷歲晚相知少  
樂事鄉園別後稀行處湖山春動色興來星斗夜生輝  
鷗鵬自是層霄物今日榆枋只暫依

送學士賈先生出掌南翰

張定公與余集卷之五十一  
土  
凝望仙舟興欲飛宦途蹤跡此行稀江東舊事惟南史  
天上新恩自北扉路遶白雲春動色夢回清禁月流輝  
玉亭深處浮塵絕吟對青山願不違

次韻答馮景祥年兄山莊坐雨

四首

海內同心總近隣槎川誰厭艤舟頻長憐仲蔚門無客  
空擬陳蕃榻有人菊圃正饒寒歲景秫田新足甕頭春  
多情最是閒風月來入山莊不礙貧

征禽飛倦且歸山人世難逢未老閒板屋西風慙傳策  
柴門秋雨學陶關幽懷欲悟神仙訣逸興時開造化慳  
莫恠強年無一事高堂勝得舞衣斑

積雨荒邨夜未朝。玉壺銀燭等閒銷。請看林壑雙蓬鬢。  
堪笑風塵五斗腰。雲耿耿。時頻感。舊山丁。丁處每逢樵。  
寒來草木蕭疎甚。坐愛籬花不易凋。

長安釋褐皂綸巾。並轡春風雨露均。名到不磨須蛻俗。  
眼窺無朕始探真。馮唐到老官終小。杜甫驚人句復頻。  
幾日山庄吟白髮。未緣相訪獨勞神。

鳶藍候潮過北渡

鳶藍淺浦聽潮生。江口微風正晚晴。天淨鳥從屏裏度。  
月明人在鏡中行。開尊竹葉乘春老。轉棹桃花入水輕。  
賈客趁虛爭渡急。不知誰遣野舟橫。

張文公四子集卷之五

十一

送周二尹之餘干

登臺何處窺綿蠻。千里餘干指顧間。纔見天兵獵狐兔。  
更逢時雨洗江山。溪花爛熳魚搖赤。陵麥青瑩雉隱斑。  
此日絃歌應遍野。春風下馬一開顏。

三月廿二日承西江先生招賞牡丹詩以謝之。  
奇花開處景常新。陡覺羣英總效顰。雨露有私偏渥寵。  
乾坤何意鬧粧春。楊妃妙舞能娛主。西子含歡不避人。  
最是仙翁知愛客。日沾清酒醉親鄰。

雨後訪戴秉誠親丈

南河積雨漲成江。閒放輕舟過野杠。剡水風煙渾屬戴。

鹿門禾黍久淹龐過墻  
翠徠鳩呼獨蒲徑蒼苔鷺  
丁雙別去不知天欲瞑  
醉看涼月倚西牕

生日和牀父見遺之作 二首

昌黎文采照韓湘  
老阮風流日舉觴  
王樹庭深歡正洽  
紫萸囊好意俱忘  
攻書每灼青梨火  
款客還開綠野堂  
將父報

君心未疲黑頭歸  
老任天長

幾度瞻雲在楚湘  
還家類舉步兵觴  
花間小徑紆行樂  
松下虛齋習坐忘  
夕抱遺經營魏闕  
晨供春酒舞高堂  
時來忽感桑蓬意  
簾幙薰風坐晝長

張定公西齋集卷之五

一

三

疊前韻答惟靜牀 三首

扁舟東下自荆湘  
澗水賓筵正舉觴  
鴻鵠九秋身獨奮  
驂驪千里思能忘  
鄉園暫喜親琪樹  
霄漢終應稅玉堂  
已負年華三十七  
高樓卧看水天長

山可耕樵水可湘  
宗鄰相遇且銜觴  
前程不向巫咸卜  
往事真同華子忘  
白髮未生還炙背  
黃金雖盡肯垂堂  
閒來學和陽春曲  
吟對南園夏木長

春來新釀已成湘  
飲到狂時莫計觴  
世事幾番渾似夢  
人生百慮不如忘  
花經細雨眠幽砌  
燕逐清薰遶畫堂  
醉眼獨看霄漢遠  
忽思鵬背海雲長

西山溪隱菴題壁

似與青山夙有緣，今來偏值日暄妍。  
攀花誤觸松梢鶴，呼茗頻供竹底泉。  
主意濃時休問俗，僧房幽處試聽禪。  
春風細拂如茵草，乘興何妨一醉眠。

喜雨次牀父韻

桔槔聲裏萬家心，百垞難求六月霖。  
一夕溫風催海氣，五更涼雨雜鍾音。  
簷垂白練搖幽砌，渠漲清湘映遠林。  
生意滿前人自得，太平雲物稱登臨。

雨中柬張應辰

携得雙柑空遠興，黃鸝無語碧柯寒。  
石橋芸閣客應卧，

張定公西亭集卷之十五

十四

苦雨酸風春欲闌，狂飲直思江蘺酒。  
豪吟長以籜爲冠，草深泥滑出門去。  
人在比鄰相見難。

和叔父西遊之作

西津疎雨放輕舟，新水真成汗漫遊。  
夢想雲山終得意，嘯歌風月總爲儔。  
江光動處如迎客，春色濃來欲醉鳩。  
多少眼前名利子，不如沽酒洗乾愁。

次韻寫懷二首

故人別我甬江東，酒盞茆堂日夜空。  
一夕催詩仍有雨，半牕揮翰倏生風。  
簾前香靄雲千頃，鏡裏清涵玉幾叢。  
對此直須終日飲，莫教庭院響秋蟲。

處世真同不係船寧論誰後復誰前新交載酒來芸閣  
晚輩携書向木天綠樹幾行晴亦雨碧山千里斷仍連  
行聞擊壤人人樂合釘盤盂慶有年

懷蕉

少小堪憐陟岵情當年何術制頽齡山中空對暮雲黑  
江上獨餘芭葉青未寫新槭愁暗結欲裁團扇涕交零  
無端徹夜蕭騷雨吹入秋牀不耐聽

憶四明山

何事孤飛興未降名山元只在吾邦金烏弄彩輝丹壁  
銀漢流聲度石窻方朔獻椀羞短袂洪厓供酒駐飛幢

張定公西交詩集卷之十五

五

西南只尺天台路來馭雲輶白鶴雙

約過板橋未果柬諸宗長

竹院尋僧阻舊要板橋東去路非遙塵封玉蕊心先醉  
露冷金莖渴未消瀛海有人秋駕石秦樓何處夜吹簫  
火雲臺閣炎州地書遍窻前葉葉蕉

憶錢湖

赤董山外海雲飛我欲東游事久違百里湖波照霞嶼  
一雙鷗鳥上陶磯雨餘蓮子房房實秋到凋菰粒粒肥  
安得沙棠舟十丈與君同泛月明歸

喜雨次惟靜叔韻



七月炎威不可禁日斜南畝望雲心洗天風雨催秋急  
俯竹樓臺納爽深已覺舊盟寒石徑仍勞清夢繞山陰  
俱逢樂歲昇平日尊酒還歌蟋蟀吟

秋日次良甫韻

晚來瀟灑步秋林昨夜風疎幾樹陰明月一川烟水澹  
美人千里鴈魚沉扁舟未盡表宏興高閣應悲庾亮心  
欲問孤雲向何處露寒江郭萬家砧

壽梁竹邨先生

嬰脰湖邊似鹿門故家文獻典刑存江山短棹追高賞  
今古青燈聽細論清世一迴週甲子芳辰千首納乾坤

張文定公四友集卷之五

共

黃花滿地塵如洗携榼長懷過竹邨

馮景祥年兄以和所杜秋興八首見示強賡答

之八首

江郭風高涼滿林晴空樓閣萬峰森人間律應鍾山麓  
天上橋通漢水陰老鳳不忘棲竹想孤雲那識捲簾心  
東溟絕岬勾章國片月光寒處處砧

郢樹西風怨日斜越江清旭際重華九天臺閣相如草  
千里滄瀛博望槎

金闕曉鍾班鷺羽玉關宵柝靖胡笳十年前事剛如昨  
落紙明光散墨花

明光漢宮殿名

秋潭日日漾清暉，忽憶瀟湘覽翠微。舟楫有時驚浪湧，  
軒車隨處看雲飛。力同精衛心偏苦，吟到陵陽俗每違。  
灑露一枝蟬自足，席門糠粃但癡肥。

世路紛紛效累豨，豺狼遞死竟誰悲。長安尺霧橫天日，  
南國孤臣避地時。晴樹幾家絃管沸，美人千里鴈魚遲。  
江空象緯澄輝色，卧病丘園感夢思。

千官廷祝效嵩山，獨立鈞天鼓鼙間。每爲雲鴻驚節序，  
却辭金馬出江關。曾參自抵周公業，巢父寧慙伯禹顏。  
最是歷年棲鳳閣，猶餘清夢遶鴛班。

金風銷暑鳳池頭，經幄青宮啓素秋。萬國共霑虞帝德，  
張文定公吳荊文集卷之五

七

長空一掃杞人愁，築平瓜圃收田稼。納盡官租戲海鷗，  
誰向

君王誦無逸，來傳爾雅四明州。

六載湖南耻奏功，獨將蘋藻薦隆中。疎篁半染湘妃雨，  
衰草俱搖宋玉風。漢水龍興衡嶽紫，君山霞落洞庭紅。  
韶光共歎身如客，青鏡仍看髮欲翁。

層闌閣道逶迤迤，翡翠樓高映月陂。黼黻兩階傳玉蒞，  
珊瑚千樹擁標枝。龍圍梓柱晴煙簇，象捲珠簾晝景移。  
今日舉頭天萬里，請看鵬翼似雲垂。

南樓晚眺

次韻  
良甫

絕見池塘春草生，忽看庭桂已秋清。  
長風未了飛車興，高閣誰禁落帽情。  
滿地黃花開有意，一行鴻鴈去無聲。  
雨餘新水湖頭足，盪漿今宵弄月明。

壽邵清之翁七十

瀟灑明山鶴髮翁，杖藜隨處引清風。  
寫懷旋積新詩草，濟物時探舊藥籠。  
潮送江聲喧笑語，華將秋色淡房櫳。  
綺筵多少蓬瀛客，沉醉湖亭正晚鴻。

壽省菴陸公八十

湖天何處擁笙簫，湖上仙翁福自招。  
貓乳更傳韓愈筆，鳳鳴齊叶舜廷韶。  
鶯花二月春無際，雲水三韓路豈遙。  
清酒百壺人獨醒，惠風遲日對松喬。

癸亥公西臺集卷之五

六一

壽省菴陸公八十

餘致多心藪，贏容亦輜。臨亭五鼎，獻賦筆斗。榮相如。而  
齋外却對舊藥，齋內羨玉。簪節笑語華珠，殊殊。為烈氣。謝  
蕭蕭。眼山。鱗。變。餘。林。藤。韻。氣。侍。青。風。寫。對。就。蘇。祿。指。草  
壽省菴之餘十

雨餘涼水，臨庭。且盪漿。今宵弄月，明

高閣誰禁，落帽情。滿地黃花，開有意。一行鴻鴈，去無聲。

絲。具。此。謝。春。草。生。忽。看。庭。桂。已。秋。清。長。風。未。了。飛。車。興。

